

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

স্মারক নং: পিসিবি/২০২৩-৬৫২০

তারিখঃ ২৯ ভাদ্র ১৪৩০ বঙ্গাব্দ  
১৩ সেপ্টেম্বর ২০২৩ খ্রিস্টাব্দ

## প্রজ্ঞাপন

### সরকারি/বেসরকারি বিশ্ববিদ্যালয়ে এম. ফার্ম কোর্সের অনুমোদন ও শিক্ষার্থী ভর্তির নীতিমালা-২০২৩

#### ১.০ সংক্ষিপ্ত শিরোনাম ও প্রবর্তনঃ

- ১.১ এ নীতিমালা ‘সরকারি/বেসরকারি বিশ্ববিদ্যালয়ে এম. ফার্ম কোর্সের অনুমোদন ও শিক্ষার্থী ভর্তির নীতিমালা-২০২৩’ নামে অভিহিত হবে।
- ১.২ বাংলাদেশ ফার্মেসী কাউন্সিল (পিসিবি) কর্তৃক প্রণীত ও অনুমোদিত এই নীতিমালা বাংলাদেশের সকল সরকারি/বেসরকারি বিশ্ববিদ্যালয়ে এম. ফার্ম কোর্সের অনুমোদন প্রদানের ক্ষেত্রে কার্যকরী হবে।

#### ২.০ কোর্সঃ

যে সকল বিশ্ববিদ্যালয়ের ফার্মেসি বিভাগে বাংলাদেশ ফার্মেসী কাউন্সিল কর্তৃক অভিস্বীকৃত (Accredited) বি. ফার্ম কোর্স চলমান রয়েছে, সে সকল বিশ্ববিদ্যালয় এম. ফার্ম কোর্সের অনুমোদনের জন্য আবেদন করতে পারবে।

#### ৩.০ কারিকুলামঃ

- ৩.১ ফার্মেসি শিক্ষাকে যুগোপযোগী করার লক্ষ্যে এম. ফার্ম কোর্স কারিকুলাম প্রণয়ন করতে হবে। এম. ফার্ম থিসিস, নন-থিসিস উভয় কোর্সের ক্ষেত্রে ৪০ (চল্লিশ) ক্রেডিটের বেশি হবে না।
- ৩.২ সকল সরকারি/বেসরকারি বিশ্ববিদ্যালয়সমূহের প্রণয়নকৃত কারিকুলাম বাংলাদেশ ফার্মেসি কাউন্সিল কর্তৃক অনুমোদিত হতে হবে।

#### ৪.০ কোর্সের মেয়াদকালঃ

- ৪.১ এম. ফার্ম (নন-থিসিস) কোর্সের মেয়াদ হবে ০১ (এক) বছর।
- ৪.২ এম. ফার্ম (থিসিস) কোর্সের মেয়াদ হবে ০১ (এক) বছর ০৬ (ছয়) মাস।
- ৪.৩ বছরে একটি শিক্ষাবর্ষ থাকবে। ক্ষেত্রবিশেষে, কাউন্সিলের অনুমোদন সাপেক্ষে প্রতি শিক্ষাবর্ষে জানুয়ারি-জুন ও জুলাই-ডিসেম্বর এ দুটি সেমিস্টার থাকতে পারে।

#### ৫.০ শিক্ষকবৃন্দঃ

- ৫.১ বাংলাদেশ ফার্মেসী কাউন্সিল কর্তৃক অভিস্বীকৃত (Accredited) বি. ফার্ম কোর্স চলমান থাকা সাপেক্ষে প্রয়োজনীয় সংখ্যক পূর্ণকালীন শিক্ষক নিয়োজিত থাকতে হবে, তন্মধ্যে সংশ্লিষ্ট বিষয়ে প্রশিক্ষণ ও গবেষণায় পারদর্শি ন্যূনতম ০১ (এক) জন পিএইচডি ডিগ্রিধারী অধ্যাপক হতে হবে।
- ৫.২ ন্যূনতম ০৪ (চার) জন পূর্ণকালীন শিক্ষক নিয়োগের মাধ্যমে ফার্মেসি বিভাগ চালু করতে হবে।

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

৫.৩ ফার্মেসি বিভাগের চেয়ারম্যান/বিভাগীয় প্রধানকে অবশ্যই স্বীকৃত বিশ্ববিদ্যালয় থেকে ফার্মেসি বিষয়ে স্নাতক ও স্নাতকোত্তর ডিগ্রিধারী এবং বাংলাদেশ ফার্মেসী কাউন্সিল কর্তৃক 'এ' ক্যাটাগরিতে নিবন্ধিত ফার্মাসিস্ট হতে হবে।

৫.৪ ফার্মেসির বিষয়সমূহ পাঠদানের জন্য নিযুক্ত শিক্ষককে অবশ্যই ফার্মেসি বিষয়ে স্নাতক ও স্নাতকোত্তর ডিগ্রিধারী হতে হবে।

৫.৫ অধ্যাপক, সহযোগী অধ্যাপক, সহকারী অধ্যাপক ও প্রভাষকের সংখ্যার অনুপাত হবে ১:২:৪:১২।

৫.৬ শিক্ষক ও শিক্ষার্থীর অনুপাত হবে ১:১৫।

৫.৭ শিক্ষকতা সহকারী/গবেষণা সহকারী শিক্ষক হিসেবে বিবেচিত হবে না।

## ৬.০ খন্ডকালীন শিক্ষকঃ

৬.১ ফার্মেসি বিভাগে খন্ডকালীন শিক্ষক সংখ্যা পূর্ণকালীন শিক্ষক সংখ্যার শতকরা ৪০ (চল্লিশ) এর অধিক হবে না।

৬.২ খন্ডকালীন শিক্ষকদের নিয়োগ ও যোগ্যতা বাংলাদেশ বিশ্ববিদ্যালয় মঞ্জুরী কমিশন/ বাংলাদেশ ফার্মেসী কাউন্সিল এর বিধি অনুযায়ী হতে হবে।

## ৭.০ শিক্ষকতার অভিজ্ঞতাবিহীন শিক্ষকবৃন্দঃ

৭.১ শিক্ষকতার সাথে সম্পৃক্ত নন কিন্তু ফার্মাসিউটিক্যাল সেক্টরে অভিজ্ঞতাসম্পন্ন ব্যক্তি পূর্ণকালীন বা খন্ডকালীন শিক্ষক হিসেবে নিযুক্ত হতে পারবেন। সেক্ষেত্রে তাদের নিম্নোক্ত অভিজ্ঞতা আবশ্যিকঃ

৭.১.১ বাংলাদেশ ফার্মেসী কাউন্সিল কর্তৃক অভিস্বীকৃত বিশ্ববিদ্যালয় থেকে ফার্মেসি বিষয়ে স্নাতক ও স্নাতকোত্তর ডিগ্রিধারী ও বাংলাদেশ ফার্মেসী কাউন্সিল কর্তৃক 'এ' ক্যাটাগরিতে নিবন্ধিত ফার্মাসিস্ট হতে হবে।

৭.১.২ ফার্মাসিউটিক্যাল সেক্টর যেমনঃ ফার্মাসিউটিক্যাল কোম্পানী, গবেষণা প্রতিষ্ঠান, হাসপাতাল ও কমিউনিটি ফার্মেসি, সংশ্লিষ্ট সরকারি ও স্বায়ত্ত্বশাসিত প্রতিষ্ঠান বা সংস্থায় ১৫ (পনের) বছরের অভিজ্ঞতা।

## ৮.০ পাঠদান পদ্ধতিঃ

৮.১ দূর-শিক্ষণ বা খন্ডকালীন এম. ফার্ম কোর্স অনুমোদিত হবে না।

৮.২ তাত্ত্বিক ও ব্যবহারিক ক্লাসের পাশাপাশি পর্যাপ্ত কুইজ, এসাইনমেন্ট, প্রজেন্টেশন ইত্যাদির ব্যবস্থা থাকতে হবে।

৮.৩ তাত্ত্বিক ও ব্যবহারিক ক্লাসে আধুনিক পাঠদান পদ্ধতির উপযোগী সুযোগ-সুবিধা থাকতে হবে।

৮.৪ আধুনিক যন্ত্রপাতি এবং প্রযুক্তির সাথে শিক্ষার্থীদের পরিচিত করানোর জন্য পর্যাপ্ত ব্যবহারিক শিক্ষা প্রদান করতে হবে।

## ৯.০ পরীক্ষার নীতিমালাঃ

৯.১ লিখিত, মৌখিক ও ব্যবহারিক শিক্ষার উপর ভিত্তি করে পরীক্ষাসমূহ গ্রহণ করতে হবে। চেয়ারম্যান/বিভাগীয় প্রধান বা তাঁর ক্ষমতাপ্রাপ্ত কোন শিক্ষক শিক্ষার্থীর প্রকৃত মূল্যায়নের উদ্দেশ্যে নিয়মিত পরীক্ষা ছাড়াও অতিরিক্ত পরীক্ষার ব্যবস্থা করতে পারবেন।

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

৯.২ পরীক্ষার উপকরণসমূহ পরবর্তী একাডেমিক সেশন আরম্ভ এবং আপিল আবেদন দাখিল ও চলমান অবস্থা পর্যন্ত পরীক্ষা নিয়ন্ত্রক/চেয়ারম্যান/বিভাগীয় প্রধান কর্তৃক সংরক্ষিত থাকবে।

৯.৩ নম্বর বণ্টনঃ

মিড টার্ম ৩০%, টার্ম ফাইনাল ৫০%, কুইজ ১০%, এসাইনমেন্ট ও ক্লাস উপস্থিতি ১০%। কুইজ, এসাইনমেন্ট ও ক্লাস উপস্থিতির নম্বর সংশ্লিষ্ট শিক্ষক কর্তৃক প্রদান করতে হবে।

৯.৪ টার্ম ফাইনাল পরীক্ষায় পূর্ণাঙ্গা সিলেবাস অন্তর্ভুক্ত থাকবে।

৯.৫ পরীক্ষা সংক্রান্ত কার্যক্রম পরিচালনার জন্য একটি পরীক্ষা কমিটি থাকবে। প্রতিটি সেমিস্টারের জন্য আলাদা আলাদা পরীক্ষা কমিটি করতে হবে। বিভাগীয় একাডেমিক কমিটি কর্তৃক পরীক্ষা কমিটি গঠিত হবে এবং একজন বহিঃস্থ সদস্য অন্তর্ভুক্ত করতে হবে।

৯.৬ পরীক্ষার কমিটি ০৪ (চার) সদস্য বিশিষ্ট হবে। এর মধ্যে একজন সভাপতি ও ০২ (দুই) জন সদস্য ফার্মেসি বিভাগের একাডেমিক কমিটি থেকে মনোনীত হবে এবং ০১ (এক) জন বহিঃস্থ সদস্য থাকবে। পরীক্ষা কমিটি পরীক্ষকদের একটি প্যানেল থেকে একাডেমিক কমিটি কর্তৃক মনোনীত পরীক্ষক নির্বাচন করবেন। ফার্মেসি বিভাগের শিক্ষকবৃন্দ ও ফার্মেসি পেশার সাথে জড়িত স্বনামধন্য ব্যক্তিবর্গ যাদের ফার্মেসি বিষয়ে ন্যূনতম মাত্রাকোত্তর ডিগ্রি রয়েছে তাঁরা প্যানেলে অন্তর্ভুক্ত থাকবে। প্রতিটি কোর্সের মিডটার্ম পরীক্ষার উত্তরপত্র কোর্স শিক্ষক মূল্যায়ন করবেন। প্রতিটি তৃতীয় কোর্সের টার্ম ফাইনাল পরীক্ষার মূল্যায়ন অভ্যন্তরীণ পরীক্ষক হিসেবে কোর্স শিক্ষক এবং পরবর্তীতে অনুমোদিত পরীক্ষকদের প্যানেল থেকে পরীক্ষা কমিটি কর্তৃক মনোনীত পরীক্ষক দ্বারা উত্তরপত্র মূল্যায়িত হবে। নম্বরের তারতম্যের ক্ষেত্রে গড় নম্বর গৃহীত হবে। মিড টার্ম পরীক্ষার ক্ষেত্রে সংশ্লিষ্ট কোর্স শিক্ষক পরীক্ষা কমিটির নিকট একটি প্রস্তাবিত প্রশ্নপত্র জমা দিবেন। টার্ম ফাইনালের ক্ষেত্রে ১ম ও ২য় উভয় পরীক্ষক তাদের আলাদা প্রস্তাবিত প্রশ্নপত্র পরীক্ষা কমিটির নিকট জমা দিবেন। পরীক্ষা কমিটি যাচাই-বাছাই পূর্বক প্রতিটি কোর্সের জন্য প্রশ্নপত্র চূড়ান্ত করবেন। পরীক্ষা কমিটি কর্তৃক মনোনীত ০২ (দুই) জন টেবুলেটর দ্বারা নম্বরপত্রের চূড়ান্ত বিবরণী প্রস্তুত করতে হবে। এসকল কার্যক্রমে কঠোরভাবে গোপনীয়তা বজায় রাখতে হবে।

৯.৭ বাংলাদেশ বিশ্ববিদ্যালয় মঞ্জুরী কমিশন/ বাংলাদেশ ফার্মেসী কাউন্সিল কর্তৃক অনুমোদিত গ্রেডিং পদ্ধতি দেশের সকল বিশ্ববিদ্যালয়কে অনুসরণ করতে হবে।

১০.০ ক্রেডিট বা ক্রেডিট আওয়ারঃ

১০.১ সাধারণত এটি দ্বারা একাডেমিক কাজের একক হিসেবে সেমিস্টার ক্রেডিট বা সেমিস্টার আওয়ারকে বুঝাবে। এক ক্রেডিট সম্পন্ন করতে একটি সেমিস্টারে প্রত্যেক সপ্তাহে ক্লাসের মেয়াদ ৫০ মিনিট।

১০.২ সমতা হিসেব করতে ০১ (এক) বছরের জন্য শিক্ষাবর্ষের মেয়াদকাল ৩৬ (ছত্রিশ) সপ্তাহ ও ০৬ (ছয়) মাসের জন্য একটি সেমিস্টারের মেয়াদকাল ১৮ (আঠার) সপ্তাহ হবে।

১১.০ শিক্ষার্থী ভর্তি নীতিমালাঃ

১১.১ আবেদনকারীকে বাংলাদেশের স্থায়ী নাগরিক হতে হবে। কেবলমাত্র সরকার কর্তৃক বিদেশি শিক্ষার্থীদের জন্য সংরক্ষিত আসনে বিদেশি শিক্ষার্থী ভর্তির আবেদন করতে পারবে।

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

১১.২ শিক্ষার্থীর বি. ফার্ম পরীক্ষায় মোট সিজিপিএ ২.৫০ (৪ স্কেলে) এর কম হবে না।

১১.৩ বাংলাদেশ ফার্মেসী কাউন্সিল কর্তৃক সময়ে সময়ে মূল্যায়নের ভিত্তিতে সিজিপিএ মান নির্ধারণ করা হবে।

১১.৪ এম. ফার্ম কোর্সে ভর্তির আবেদনকারীর বি. ফার্ম পরীক্ষার পাসের বছর (খ্রিস্টাব্দ) অথবা পরবর্তী যে কোন বছরের মধ্যে ভর্তি প্রক্রিয়া সম্পন্ন করতে হবে।

১১.৫ এম. ফার্ম কোর্সে ভর্তিছু বিদেশি শিক্ষার্থীদের ক্ষেত্রে অবশ্যই বি. ফার্ম সম্পন্ন করতে হবে এবং নির্ধারিত ফি প্রদানপূর্বক বাংলাদেশ ফার্মেসী কাউন্সিল থেকে সমতা নিরূপণ সনদ নিতে হবে।

১১.৬ ভর্তিছু শিক্ষার্থীর সংখ্যা বিবেচনায় প্রতিযোগিতামূলক লিখিত পরীক্ষার মূল্যায়নের উপর ভিত্তি করে ভর্তি প্রক্রিয়া সম্পন্ন করতে হবে। লিখিত পরীক্ষার পাশাপাশি, যোগ্যতা মূল্যায়নের জন্য একটি মৌখিক পরীক্ষা গ্রহণ করা যেতে পারে।

১১.৭ কাউন্সিল কর্তৃক অনুমোদিত আসন সংখ্যা অনুযায়ী এম. ফার্ম ১ম সেমিস্টারে/১ম শিক্ষাবর্ষে ভর্তি হওয়া শিক্ষার্থীকে ভর্তির ০৩ (তিন) মাসের মধ্যে বাংলাদেশ ফার্মেসী কাউন্সিলে অনলাইনে শিক্ষার্থী তালিকাভুক্তির জন্য বিশ্ববিদ্যালয়ের মাধ্যমে প্রাক-নিবন্ধন ফিসহ আবেদন করতে হবে।

## ১২.০ সার্টিফিকেটসমূহ নিরীক্ষণঃ

১২.১ (ক) ভর্তির পূর্বে বিশ্ববিদ্যালয় কর্তৃপক্ষ ভর্তিছু শিক্ষার্থীর বি. ফার্ম ডিগ্রির সনদ এবং নম্বরপত্র সংশ্লিষ্ট বিশ্ববিদ্যালয় কর্তৃক যাচাইপূর্বক সত্যায়ন করবে; এবং

(খ) শিক্ষার্থী প্রদত্ত কোনো তথ্য ভুল বা অসত্য প্রমাণিত হলে বিশ্ববিদ্যালয় কর্তৃপক্ষ তার ভর্তি বাতিলসহ আইন অনুযায়ী শাস্তিমূলক ব্যবস্থা গ্রহণ করবে।

## ১২.২ বিদেশি শিক্ষার্থীদের আবেদন পদ্ধতিঃ

বিদেশি শিক্ষার্থীদের শিক্ষা কার্যক্রম দেশি শিক্ষার্থীদের সাথে একত্রে পরিচালনার স্বার্থে বিদেশি শিক্ষার্থী ভর্তি বিজ্ঞপ্তি পূর্বেই জারি করতে হবে। বিদেশি শিক্ষার্থীদের আবেদনপত্র, বি. ফার্ম ডিগ্রির সনদপত্র এবং নম্বরপত্র নিজ নিজ দেশের পররাষ্ট্র মন্ত্রণালয় কর্তৃক বাংলাদেশি দূতাবাসের মাধ্যমে সত্যায়নসহ নির্দিষ্ট সময়ের মধ্যে সমতাকরণ ফিসহ বাংলাদেশ ফার্মেসী কাউন্সিলে আবেদন করতে হবে।

## ১২.৩ সেমিস্টার প্রতি আসন সংখ্যাঃ

বিশ্ববিদ্যালয়ের বিদ্যমান সুযোগ-সুবিধা অনুযায়ী বাংলাদেশ বিশ্ববিদ্যালয় মঞ্জুরী কমিশনের অনুমোদনের সাথে সামঞ্জস্য রেখে ফার্মেসি বিভাগের আসন সংখ্যা বাংলাদেশ ফার্মেসী কাউন্সিল কর্তৃক নির্ধারিত হবে। কাউন্সিল কর্তৃক অনুমোদিত আসন সংখ্যা অনুযায়ী শিক্ষার্থী ভর্তি করতে হবে। আসন সংখ্যা বৃদ্ধির ক্ষেত্রে অবশ্যই বাংলাদেশ ফার্মেসী কাউন্সিলের পূর্বানুমোদন গ্রহণ করতে হবে।

\*\* সংরক্ষিত আসন বলতে বিশ্ববিদ্যালয়ের ফার্মেসি বিভাগে বিদেশি শিক্ষার্থীদের যথাযথ অনুমোদন সাপেক্ষে বাংলাদেশ ফার্মেসী কাউন্সিল কর্তৃক পূর্বনির্ধারিত আসন সংখ্যা বুঝাবে। উল্লেখ থাকে যে, দেশি ও বিদেশি শিক্ষার্থীসহ মোট অনুমোদিত আসনের বেশী হবে না।

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

## ১৩.০ ফার্মেসি বিভাগের প্রয়োজনীয় অবকাঠামোঃ

### ১৩.১ শ্রেণীকক্ষঃ

বিশ্ববিদ্যালয়ের ফার্মেসি বিভাগে পর্যাপ্ত শ্রেণীকক্ষ থাকা আবশ্যিক। প্রাথমিক পর্যায়ে ৫০ (পঞ্চাশ) জন শিক্ষার্থী বসতে পারে এরূপ ০২ (দুই) টি শ্রেণীকক্ষ থাকতে হবে। শিক্ষার্থী সংখ্যা বৃদ্ধির সাথে সাথে শ্রেণীকক্ষের সংখ্যা বাড়াতে হবে। শ্রেণীকক্ষসমূহ পরিষ্কার পরিচ্ছন্ন ও মেধা বিকাশের উপযোগী হতে হবে। অত্যাধুনিক প্রযুক্তিসহ মাল্টিমিডিয়া, সাউন্ড সিস্টেম ও প্রজেক্টরের ব্যবস্থা থাকতে হবে।

### ১৩.২ পরীক্ষাগার সুবিধাঃ

ফার্মেসি বিভাগে যে সকল বিষয়ে এম. ফার্ম ডিগ্রি প্রদানের অনুমতি প্রদান করা হবে, সে সকল বিষয়ের জন্য গবেষণাগারের সুবিধা থাকতে হবে। প্রয়োজনীয় যন্ত্রপাতি, কেমিক্যাল, রিয়েজেন্ট ও জনবলসহ নিম্নোক্ত বিষয়ের পৃথক ল্যাবের ব্যবস্থা থাকতে হবেঃ

- Advanced Pharmaceutical Analysis Laboratory
- Advanced Pharmaceutical Technology
- Advanced Biopharmaceutics & Pharmacokinetics Laboratory
- Clinical Pharmacy and Toxicology Laboratory
- Advanced Pharmacology Laboratory

পরীক্ষাগারসমূহ অবশ্যই জিএলপি (Good Laboratory Practice) অনুসরণপূর্বক পরিচালনা করতে হবে।

### ১৩.৩ পরীক্ষাগারের আয়তনঃ

প্রতিটি পরীক্ষাগারে কমপক্ষে ২৫ (পঁচিশ) জন শিক্ষার্থী একত্রে হাতে কলমে প্রশিক্ষণ গ্রহণ করার উপযোগী ন্যূনতম ৬০০ (ছয়শত) বর্গফুট আয়তন থাকতে হবে।

### ১৩.৪ যন্ত্রপাতি কক্ষঃ

নিম্নোক্ত যন্ত্রাদি রক্ষণাবেক্ষণের জন্য একটি ০১ (এক) টি আলাদা কক্ষ থাকতে হবেঃ

(Lyophilizer, Karl Fischer Apparatus, Vacuum Evaporator with cooling system, Freezer (-20°C and -80°C), Polarimeter, Double Beam UV-visible Spectrophotometer, FTIR Spectroscopy, Gas Chromatography-Mass Spectroscopy (GC-MS), HPLC, DSC, Atomic Absorption Spectroscopy, PCR Machine, Gel Electrophoresis, Electric Conductivity Meter, NMR spectroscopy, Analgesimeter, Plethysmometer etc.)

## ১৪.০ লাইব্রেরি ও গবেষণা সুবিধাঃ

১৪.১ ফার্মেসি বিভাগে অনুমোদিত শিক্ষার্থীদের বসার মত একটি নিজস্ব সেমিনার লাইব্রেরি থাকতে হবে। যেখানে বই পড়া ও ধার করার সুবিধা থাকবে। ফার্মেসি বিষয়ক সাম্প্রতিক বই ও জার্নালের সংগ্রহের ব্যবস্থা থাকতে হবে। তাছাড়া শিক্ষার্থীদের দেশপ্রেম ও মানসিক বিকাশের জন্য অন্যান্য বইও থাকতে হবে।

১৪.২ ফার্মেসি বিভাগে শিক্ষক এবং শিক্ষার্থীদের গবেষণার জন্য পর্যাপ্ত সুযোগ-সুবিধা থাকতে হবে এবং ফার্মেসি বিভাগ থেকে নিয়মিত গবেষণাপত্র প্রকাশ করতে হবে।

# বাংলাদেশ ফার্মেসী কাউন্সিল

রাহাত টাওয়ার (৫ম তলা), ১৪ লিংক রোড  
পশ্চিম বাংলামোটর, ঢাকা-১০০০, বাংলাদেশ।  
ফোন : +৮৮-০২-৪১০৬১৩১৯, ৪১০৬১৩২০  
ফ্যাক্স : +৮৮০-২-৯৬৭৬৬০০



# PHARMACY COUNCIL OF BANGLADESH

Rahat Tower (4<sup>th</sup> Floor), 14 Link Road  
West Banglamotor, Dhaka-1000, Bangladesh.  
Tel : +88-02-41061319, 41061320, Fax : +880-2-9676600  
E-Mail : info@pcb.gov.bd, Web : www.pcb.gov.bd

## ১৫.০ এক্রিডিটেশন ও এডুকেশন কমিটির পরিদর্শনঃ

শিক্ষার গুণগতমান নিশ্চিতকরণে বিদ্যমান অবস্থা (এম. ফার্ম কোর্সের পাঠ্যক্রম, পূর্ণাঙ্গ শিক্ষা পদ্ধতি, প্রাতিষ্ঠানিক অবকাঠামো, শিক্ষকমন্ডলী, ল্যাবরেটরি যন্ত্রপাতি, বই পুস্তক ও অন্যান্য বিষয়) মূল্যায়নের জন্য বাংলাদেশ ফার্মেসী কাউন্সিলের এক্রিডিটেশন ও এডুকেশন কমিটি নোটিশ প্রদান বা নোটিশ ব্যতীত যে কোনো সময় বিশ্ববিদ্যালয়ের ফার্মেসি বিভাগ/প্রতিষ্ঠান পরিদর্শন করবেন।

## ১৬.০ নীতিমালার শর্ত ভঙ্গঃ

এ নীতিমালার কোনো শর্ত ভঙ্গ করলে সংশ্লিষ্ট বিশ্ববিদ্যালয়ের ফার্মেসি বিভাগের বিরুদ্ধে বাংলাদেশ ফার্মেসী কাউন্সিলের এক্রিডিটেশন ও এডুকেশন কমিটির সুপারিশক্রমে শাস্তিমূলক ব্যবস্থা গ্রহণ করা হবে।

## ১৭.০ রহিতকরণ ও হেফাজতঃ

এ নীতিমালা যথাযথ কর্তৃপক্ষের অনুমোদনের পর প্রকাশের তারিখ হতে ‘Guidelines for opening post-graduate course at the Masters level in Private Universities’ বাতিল বলে গণ্য হবে এবং এ নীতিমালার অনুচ্ছেদ ও উপ-অনুচ্ছেদের সাথে সামঞ্জস্যপূর্ণ হওয়া সাপেক্ষে পরবর্তী কার্যক্রম এ নীতিমালার অধীন নিষ্পত্তি হবে।

(মুহাম্মদ মাহবুবুল হক)

সচিব

বাংলাদেশ ফার্মেসী কাউন্সিল

(ড. মুঃ আনোয়ার হোসেন হাওলাদার)

সভাপতি

বাংলাদেশ ফার্মেসী কাউন্সিল

ও

সচিব

স্বাস্থ্য সেবা বিভাগ

স্বাস্থ্য ও পরিবার কল্যাণ মন্ত্রণালয়

গণপ্রজাতন্ত্রী বাংলাদেশ সরকার